

Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

यूहन्ना क दूसरी पत्र

१ मई बुजुर्ग कइँती स,
उ चुनी भइ स्त्री जउने क परमेस्सर चुने
अहइ, अउर ओकरे बचवन क पिरम करित हउँ
जउन सच्चाई क भागीदार अहइँ,

मई तुहिन अकेले स पिरम नाही करित, मुला
ओन सबे तोह सबन स पिरम करित हीं जउन
सच्चाई क जान लिहे अहइँ। २ इ उही सच्चाई क
कारण भवा बाटइ जउन हमरे मँ बना रहत ह अउर
जउन हमेसा हमरे साथे रही।

३ परमपिता परमेस्सर कइँती स ओकर अनुग्रह
दाया अउर सान्ति हमेसा हमरे साथे रही अउर
परमेस्सर क पूत ईसू मसीह कइँती स सच्चाई
अउर पिरम मँ हमार जगह बनी रही।

४ तोहारे बचवन क उ सच्चाई क हिसाब स
जीवन जिअत देखिके मोका बहुत आनन्द भवा।
काहेकि उ हुकुम परमपिता स हमका मिला ह अउर
उ सबइ, सच प चलत ही। ५ अउर ऐ पिआरी
स्त्री, मई तोहका कउनउ नया आदेस नाही देत
अहउँ, प उहइ जउन प्रारम्भ स हमे मिला अहइ।
हमका एक दूसरे क साथे पिरम करइ चाही।
६ पिरम क मतलब इहइ बाटइ कि हम ओकरे

आदेसन क पालन करी। इ उहइ आदेस बाटइ
जउने क तू सुरू स सुन्या ह कि तोहका सबन क
पिरम क साथ जियइ चाही।

७ दुनिया मँ बहोत झूठे उपदेसकन तमाम फइला
पड़ा अहइँ। वे धोखा देइवालन इ नाही मानतेन
कि इ धरती प मनई क रूप मँ ईसू मसीह आवा
अहइ, उ ठग बाटइ अउर मसीह क विरोधी बाटइ।
८ अपने प्रति सावधान रहा, अइसा न होइ कि
जउन कछू कमाए अहा, ओका गँवाइ द्या, वरन
एकर प्रतिफल तू पचे प्राप्त करा।

९ जउन मनई मसीह क बावत दीन्ह सच्चे
उपदेस मँ टिका नाही रहत, उ परमेस्सर क नाही
पाइ सकत। अउर जउन ओकरे उपदेस अउर
क मानत ह, ओकरे पास परमपिता अउर बेटवा
दुइनउ रहत ह। १० जदि कउनउ मनई तोहरे घरे मँ
आवत ह, अउर इ उपदेस नाही मानत, तउ ओका
अपने घरवा मँ न आवइ द्या, अउर न नमस्कार
करा। ११ काहेकि जे अइसे मनई क स्वीकार करत
ह, उ ओकरे बुरे कामन मँ हिस्सेदार होइ जात ह।

१२ तोहका लिखइ क वास्ते मोरे लगे बहुत सी
बातन अहइँ मुला ओन सबन क कलम दवात स
मई लिखइ नाही चहित मुला मोका इ आसा अहइ
कि तोहरे सामने आइके आमने सामने बइठिके
तोहसे बात करउँ। जेहसे कि हमार आनन्द पूरा
होइ जाइ। १३ तोहरी परमेस्सर द्वारा चुनी भइ बहन
क बचवन तोहका नमस्कार कहत हीं।

*१:१३ बहन हिआँ बहन स अरथ उ टउरे क कलीसिया स मालूम पड़त ह, जहाँ स यूहन्ना इ चिट्ठी
लिखस ह अउर बेटे, बिटियन, स अरथ अहइ उ कलीसिया क निअम्बर स जउन पेलगी पठवत अहइ।